

Akureyri 28. september 2016

**Bæjarráð Akureyar  
Bæjarstjórninn á Akureyri  
Ráðhúsinu  
Geislagötu 9  
600 Akureyri**

**Efni: Vatnsverndarsvæðin í Hlíðarfjalli/Glerárdal**

Í ljósi hugmynda um mögulega útvistun á rekstri skíðasvæðisins í Hlíðarfjalli teljum við mikilvægt að minna á mikilvægi vatnsverndar á svæðinu. Hreint og ómengoað vatn er mikilvægasta auðlind hvers samfélags. Því er mikilvægt að þeir aðilar sem marka stefnu og taka ákvörðun um landnotkun geri sér grein fyrir mikilvægi vatnsverndar og að allt sé gert til þess að koma í veg fyrir uppbyggingu sem ógnar henni.

Tvö meginvatnsbólin fyrir Akureyri og reyndar hluta nærsteita okkar eru beggja vegna við skíðasvæðið í Hlíðarfjalli. Norðan við skíðasvæðið eru Hesjuvallalindir og sunnan við það, í mynni Glerárdals, eru Sellandslindir. Þessi tvö lindarsvæði eru að gefa um það bil 75-80% af því vatni sem bæjarbúar og fyrirtæki eru að nota. Mest gefa vatnsbólin mánuðina júní til desember en minna frá janúar til maí. Þegar þau gefa mest eru þau að anna nánast allri vatnþörfinni. Mikilvægt er að hafa í huga í þessu sambandi að þriðja vatnstökusvæðið okkar er að Vögum í Hörgársveit en þaðan þarf að dæla öllu vatni með tilheyrandi kostnaði meðan vatnið úr Hlíðarfjalli er sjálffrenndi.

Þá þarf einnig að hafa í huga að vatnsbólin í Hörgárdal liggja rétt neðan við þjóðveg nr. 1 og þjóðvegurinn liggur auk þess í gegnum allt vatnsverndarsvæði þeirra. Vegna þessa og þeirrar staðreyndar að mikill búskapur og rekstur er á svæðinu, fylgir ákveðin hætta sem aftur gerir vatnsbólin í Hlíðarfjalli í raun enn mikilvægari en ella. Hefur heilbrigðisfulltrúi orðað það þannig að vatnsbólin í Hlíðarfjalli séu fyrsta flokks meðan vatnsbólin í Hörgárdal séu annars flokks í ljósi þeirra áhættu sem þar er í rekstrinum. Með þessu er auðvitað ekki verið að tala um að gæði vatnsins séu ekki þau sömu, fyrst og fremst verið að leggja mat á þann mikla mun sem er á áhættunni milli svæðanna.

Hér erum við komin að kjarna þess mál sem við viljum vekja athygli á þ.e. að með engu móti er réttlætanlegt að auka áhættuna á svæðinu í Hlíðarfjalli. Hér þarf að leggja ofuráherslu á að um leið og vatnstökusvæðin og vatnsverndarsvæðin í Hlíðarfjalli eru tiltölulega lítil þá eru þau einnig mjög viðkvæm þar sem stutt er niður á grunnvatnsstraumana sem fæða lindirnar. Ekki þarf lengi að hugsa sig um hve gífurleg áhrif það hefði fyrir íbúa og fyrirtæki, t.d. í matvælaframleiðslu, ef vatnsbólin spiltist.

AKUREYRARBAER
Mótt.: 30.09.2016
Málsnr.: 2016090188
Lykill: 01-102


Norðurorka hefur um árabil brýnt mikilvægi vatnsbólanna í Hlíðarfjalli í ræðu og riti, með auglýsingum og ýmiskonar beinni upplýsingagjöf til hagaðila. Við teljum að mikið hafi áunnist í því að auka vitund og virðingu fyrir vatnsverndarsvæðunum í Hlíðarfjalli og gifurlegt mikilvægi þeirra fyrir okkur öll.

Reglulega koma fram hugmyndir um aukna starfsemi í Hlíðarfjalli og nú mögulega útvistun á starfseminni þar. Með hliðsjón af mikilvægi vatnsverndarsvæðanna þá höfum við áhyggjur af þessu og viljum brýna fyrir bæjarstjórn að ekki sé tekin nein áhætta í þessum efnum gagnvart mögulegri stækkan svæðisins. Með þessu er meðal annars vísað til hugmynda sem fyrir nokkrum árum komu fram í svonefndu „Hlíðarfjall, Akureyri Mountain Master Plan“. Í þessari áætlun er gert ráð fyrir mikilli stækkan á svæðinu og þar á meðal starfsemi inn á vatnsverndarsvæðunum.


Með hagsmuni vatnsverndarsvæðanna og þar með bæjarbúa og atvinnurestrar á svæðinur er ekki hægt að fallast á neina frekari starfsemi innan vatnsverndarsvæðanna og mikilvægt að möguleg stækkan skíðasvæðisins fari fram á öðrum svæðum en vatnsverndarsvæðunum. Einnig er mikilvægt að möguleg aukning í starfsemi og eða stækkan svæðisins ýti ekki undir hættuna á umferð um eða við vatnsverndar-svæðin heldur þvert á móti að fullt tillit sé tekið til vatnsverndarinnar í öllu skipulagi svæðisins.

Meðfylgjandi er auglýsing um vatnsverndarsvæðið í Hlíðarfjalli þar sem meðal annars er lögð áhersla á það að neysluvatn er matvara.

*Virðingarfullst,  
f.h. Norðurorku hf.*

  
\_\_\_\_\_  
*Baldur Dýrfjörð  
Lögræðingur – staðgengill forstjóra*

# Virðum vatnsverndarsvæðin Glerárdal og Hlíðarfjalli



## Neysluvatn er matvara!

Akureyringar fá um 80% af neysluvatni sínu úr Hesjuvallindum í Hlíðarfjalli og Sellandslindum á Glerárdal. Mjög mikilvægt er að allir gangi af virðingu um þessa lífsnauðsynlegu auðlind okkar og sýni því skilning að settar séu reglur sem takmarka ágang á svæðið. Hafa þarf í huga að tiltölulega stutt er niður á grunnvatnið sem fæðir lindirnar og það sem gæti virst minniháttar óhapp getur í raun gert lindirnar óhæfar til vinnslu neysluvatns. Slíkt er stórmál fyrir íbúa og atvinnulíf á Akureyri, ekki síst þau fjölmörgu

matvælafyrirtæki sem starfa á Akureyri. Af þessum sökum er öll almenn umferð vélknúinna ökutækja (önnur en umferð eftir þjóðveginum að skíðasvæðinu) bönnuð á því svæði sem markað er með rauðum ramma á myndinni hér fyrir ofan, þ.e. á vatnsverndarsvæðunum og útvistarsvæðinu í Hlíðarfjalli. Þá er útvistarfolk beðið að ganga vel um svæðið jafnt vetur sem sumar og virða reglu um bann við gæludýrum á svæðinu.

